


امور تحریر بہ ایچون فؤاد بکہ
وامور اداره ایچون آرتین افندی بہ
مراجعت اولنور.



مسلمکمزہ موافق آثار قبول اولنور.
درج اولنمایان اوراق اعادہ اولنماز.

معاونت

ادارہ خانہ سی باب عالی جادہ سندہ
۵۲ نومرولی « شرکت مرتبیہ »
مطبعہ سیدر.



استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنجشنبه کونہری نشر اولنور ادبی، فنی و صناعی غزتر در

نسخہ سی ۱ غروش

﴿بنغازی﴾

(مابعد)

اهالینک بتون سنه دوشونډکاری یاغموردرد. چفت سورمکه مخصوص اولان آلتلری بیلدیکمز صپانلر کبی اولیوب نهایت اوج قیه ثقلتشدرد. بونکله طوپراغی ایکی یارمق درینلکنده غایت سطحی اوله رق چیزلر وزرع ایدرلر. محصولات زیاده اولدینی سنلرده تأهل کثرتله وقوعبولور.

بدوی اهالیلر بعضلرند غریب اعتقادلر واردلر؛ ازجهله غائب ایتدکاری حیوان و اشیاالری بولق ایچون رمالله مراجعت و انلرک افاده سنه قناعت ایدرلر. کذلک ایکی کشی بیننده تحلیف ایجابنده بر تربیه کیدوب مدفونک اسمی هر نه ایسه آنک اسمنی سویله یه رک یمین ایلرلر. باشلری دارالیرسه اعزّه کرامدن بعضلرینک اسملرینی یاد و آنلردن استمداد وبو ذوات حق ایچون یمین ایدرلر. بر مجلسده ویار محله بر قاج کشی طوپالانوب بر ماده اوزرینه قونوشدقلری وقت ایچلرندن بیان افکار ایده جک کیسه حضارک سکوتله استماعنی طلب ضمننده (صلوا علی التبی) دیه ندایتمسیله جهله سی سکوت ایدرلر. بیان ایده جکی فکرک سامعینک رأینیه موافق و صحتیه مقرون اولوب اولمادینی حضارک آغز لریله داماق چاتلاته رق حاصل ایتدکاری صدان آکلاشیلور.

صورت تأهل — . عادت بلده اوزره اره واره جق کرک ثیب، کرک باکر برقرک پدری و ارکک قرنداشلری بولمادینی تقدیرده بیننده اجرایی مصمم اولان بالجهله تکالیفی مدعو حاضرین مواجهه سننده بالذات ایراد ایده رک رسم نکاح اجرا قلنور.

کلینی زوجی خانه سنه کوتوردکاری زمان اوتوز قدر خاتون غایت اوزون بر

احرامک طول و عرضی نسبتنده وکلین دخی بونلرک آراسنده اولدینی و جهله سی دیزله رک باشلری اوموزلرینه دکین کورنیه. جک درجه ده مذکور احرامله مستوره اولدقلری حالده (زغروته) تعبیر ایتدکاری «لو لو لو» صدای مسرتی عیوکه چیقا. رهرق و اوکلرند دخی ارککلر ال چربه رق ماشیا سوقاقلردن کچیرلر. هروس قوجه. سنک خانه سنه داخل اولدقن صوکره بر سنه اودن خارجه چیقمادینی کبی پدری دخی بومدت ظرفنده قیزینک یوزینی اصلا کوره مز. زوج ده بر مدت کنسیدی پدر و مادرینک یوزینی کورمز.

زفاف جمعه کیجه سی ساعت برده اجزا اولنور. کووکی ارقداشلری آرالرینه آلیر و آرقه سننده بیاض اینجه یوکنن معمول احرام و آنک اوزرینه سیاه بورنوس کینش اولدینی حالده ال چربه رق خانه سنه کوتو. ررلر. بر، نهایت ایکی ساعت صوکره زوج کلینی ترک ایله اجباسنک اکلمشی ایچون آچمش اولدینی آخر خانه یه کیده رک برهفته متدایاً ارقداشلریله ذوق و صفایه مشغول بولنور. هفته نك ختامنده سابقی وجهله ارقداشلری ال چربارق خانه سنه کوتوررلر.

رباط — . «رباط» بربری لساننده عادت معناسنده. عادت درت ماه اون کوندر. عادت بلده اقتضاسنجه زوجی وفات ایدن بر خاتون بو مدت ظرفنده باشدن ایاغه قدر کندوسنی صوغوق و چیرکین کوسترمک ایچون بیاض و ارککه مخصوص لباسلر اکسایسه ماتم ایدر. مدت ختامنده اوتوز قرق قادین برابرند اولدینی و هر بری بر درلو حزن آمیز کلمات تکلم ایلله. دکاری حالده غروب شمس یاقین بر زمانده دکر کنارینه کوتوریلور. بعده خاتون دیزلرینه قدر صویه کیروب لابس اولدینی ماتم لباسنی دکزه آتهرق بعد الغسل حاضر

بولان جماعتله برلکده خانه سنه عودت ایدر. قادینلر بو مثللو مدت عدتی اکال اکال ایدن خاتونی دکزه کوتوردکاری زمان مصادف اولدقلری ارککه اکل اولنقی اوزره بر عدد یورطه ویررلرکه بو صورتله کویا او آده مصیبت کیله جکی و طول مدت یشایه جنی تأمین ایدلش اولور!

بوراده چفت سورمک کبی ایشلر دوه لره کوردیرلیدی کبی یوک طاشیق ایشی ده مرکبلره کوردیریلور. مرکبلرک سهولتله تنفس ایده ییللری ایچون بورون دلیکلی اشاغیدن یوقاری یه دوغر و شق ایدیلرک ثقبیلر توسیع ایدیلور. ایکی مرکب یوز قرق قیه ثقلتنده اشیایی یان یانه اولدقلری حالده تعلیلی آتق آتهرق کوتوررلر. بونکله برابر زواللی حیوانلرک صبرتنده سمر، باشلرند یولار بیه یوقدر.

﴿یکی کتابلر﴾

﴿روسجه و ترکیه اصول مطاله﴾

مکتب حربیه شاهانه معلملرندن وازیکی ضابطانندن یوز باشی رفعتلوحمدی بک افندی طرفندن روس لسانک تعلیمی تسهیل ایده جک صورتده بالاده کی نام ایلله ترتیب ایدلش اولان کتاب قوائدنصاب اخیراً بر صورت نفیسه ده طبع ایدیلرک میدان انتشاره وضع ایدلشدر. کتاب مذکورک مکتب حربیه شاهانه جه قبول ودرس پروغراملرینه ادخال ایدلش بولنمسی تقدیر مندرجاتی حقنده بزه سوز برانامش اولدیفندن کنج مؤلفی تبریک ایلله برابر اثر مفیدنی هوسکارانه توصیه ایتمکی وظیفه دن عد ایلرز.